



7

吳臯先生文集

祝文

武當山祝辭

維山撐拒兮天宇峭勢穹窿兮江澗雲根譎詭兮峯懸  
木杪登頓兮梯古層霄上接兮迷日陰雷下崩兮屑雨  
金墉迥立兮盤龍鐵鎖倒拔兮阜虎柳梅標異兮綠凝  
松杉凌寒兮翠吐靈境幽佳兮崑崙秘廈壞異兮响嘯  
於赫爾帝兮栖真侵假而化兮詡詡寶鼎瑤圖兮元符

黃簡丹策兮冥數橫玉行香兮萬天揮金資福兮九土  
翊我 先皇兮掃氛喙其遠竄兮黜黜穢龕珍像兮饗  
隆具宮珠殿兮光普罄壞衣被兮圖極帝之功德兮孰  
伍閔予小子兮累惡詒毋卧蓐兮噢咻衰焉綿劇兮孔  
艱迎醫合藥兮匪撫身不能代兮寡猷無孝感天兮愁  
苦匪翔以隋兮虛切渺渺爾禱兮伊祐處高聽卑兮可  
呼宿青肆赦兮如主出于碑屹兮來夷綏以勿藥兮惠  
溥危我母氏兮我危愈我母氏兮我愈薄言報之兮奚  
從維茲赤誠兮積腑千里趨走兮罔辭八琅穆清兮載  
鼓涼德非馨兮焚蘭帝其居歆兮靡怒永我母氏兮壽  
康不震不騰兮維怙願言廣照兮遐陬國步流昌兮是  
輔

謁東坡先生祠

按眉夜夢翁玄冠朱袍若  
或教之因感而謁以辭

岷峨之山如屏而坡翁得其英玻黎之水如傾而坡翁  
得其精眉之先乎翁也誰以肇其名眉之後乎翁也誰  
以賡其聲兄弟爾耀父子爾榮姿采流盜而節國楨藝

能竒佻而文世程抗言若兢而志忠貞正色若疑而識  
淵宏能動宮掖之眷而不能寢執政之嶮情能感夷落  
之助而不能銷妬論之奸萌至則播政維乎去則遺思  
維羸利區無足以回害局無足以驚勢府無足以懾死  
所無足以更在彼韓琦之不亮而况其下者之盲盲噫  
嗟嗟一世未亨百世如生得於常住稱於細氓希風者  
古今均良慕義者遠邇諧誠顧末學之淪翳每竊嚮於  
景行祗王命乎蜀江視祠屋於鄉城迺寔魂之夜感開  
龔昏以解醒曉冠裳其炯炯忽電跳而星征壘粹訓之  
秘授同海浩以嶽閔飛丹忱之素簡遲靈歆於磁甃

為病母祝神文

惟顯符冥或感則通惟高聽卑或呼則答閔予母氏戍  
子初載于今申歲八稔有一迎夏以來咎徵婁徂步履  
轉顛精神漸微足腫而青目昏以赤瘦骨如萎頑痰不  
下口語就澁體痛匪禁霍亂在牀呻吟未息日強杯水  
餐絕粒粟巫蔑左驗醫鮮竒中文親醮會杳焉寡應晷

漏可虞呼吸抱恐念母蚤年捐我先考孀居幽幽三十  
餘祀凌霜守寒授書課兒素心九原白首一節鶴髮披  
面翟冠饗榮越有今日豈曰自致寇非陰陽時矣所延  
苦非造化時惡所牽歷官有關業垢及之立家有敗罪  
根連之中卽憐母空自不寐鮮生祝福伊誰遇藥哀哀  
王薦減年益親瓊瓊李茂樓山滋壽時謝往賢伊何潛  
寐但以積忱寔維匪後割已之齒添母之筭速已之誅  
脫母之禍念念舉此業已七年眇懷耿耿晝祈夜告有  
兒無母生也何裨峇效罔極聊罄孤衷丹款融泄靡為  
飾具埽地焚香陰與神盟式奉短章幹轉鬼吹載干丕  
貺懽康母所進厥遐昌求求無患

武安王祠禱雨謝雨文二首

為諸友作

嗟我弦土迺懼旱災六月既杪三農則催彼石欵然我  
稼其灰龜折于野狼顧而哀展壇不應徙市空棘帝敷  
淵仁牧鮮配德罔由上啓寔維衆慝王也漢將千古之  
雄血食于光義烈如風匪呼不答匪庇不洪與天並流

軫民飢窮女媧如貂可弗驅之兒鉢疑丑尚其誅之叱  
厥風雨起茲龍螭幹陽于陰脫險而夷浩乎滂濡存救  
我師

維天降厲維人致之維人蒙庥維神翼之王閔鞠凶登  
我于釐驕陽若斂大澍如飴懽騰四垆光凝百穀墮足  
重容枯骨再肉好蚘不憂糴稘可卜鴈戶迺集鴻士匪  
顰天乎王也造物與倫昔焉忠臣今則明神赫赫在上  
英英在人恢爾廟貌永茲血食我鼓我鐻答効何極願  
焉降康為國滋殖千古一時爾功爾德

為延庵家兄鄉約告城隍廟文

猗嗟慕修乃盟于人或以懼潰則質之神靈也鑿物弦  
都大鈞僉謂賻喪維窮之振越此舉婚將以存倫陽與  
陰協乖焉遘噴永言為好我祐我裡

祈雨文

猗嗟川省水急山高薄壤易枯我民嗷嗷重以災暵千  
王如赤土寇不下火雲維厄麥秋未盈禾根欲盡號呼

彌聞創殘奚忍執憲燥邪司牧酷邪橫徵舉邪繁後毒  
邪亂獄豐邪枯骨委邪靈祠荒邪怨物崇邪咎舒恒燠  
咎僭恒陽閔茲時孽繇其官荒寧我焉殛無民之棄寧  
我焉罰無民之匱諏日率僚步禱於神

上天匪怒貪志維禋佑我下土沾我洪霖萬夫喁喁千  
靈則臨

謝雨文

四月維夏三峽維災邦人大恐我稼歆灰

帝德之休臣職則弛其罪其悔索於神祇民瘼迺棘荒  
飽悄悄步禱方舉冥感忽先靈山出雲殷天奮雷甘津  
一灑槁野四回流冗可還耗數則平如仆而起已斃迺  
生夔之農人群然笑舞瞿也卒婦蠲其愁苦禦災而祀  
維典之彛于爵于豆神其永毗

告火神文

簡州永城井東山夜屋不戒火起如飛隔江越山焚蕩  
民落率就岩洞避焉長燄突入農賈被傷死者男若婦

若孩幼人凡三十名口有竒是為癸丑杪春中旬也先是臺史時按簡病鬱愁苦倒卧夜署忽怒風橫鳴上瓦欲崩覺從者謹火已乃憂藍縷群然伏地不言而乞哀既曙悚不出攝州事通判王養民果來言災特因駭然訟其業緣羨溢而遂及無辜也輒移有司構木瘞骼卹諸生者矣仍以襍回祿著典告畢方列文懼幽魂或能作厲火神不可忘祈也故出廩餘祀之肅以辭曰於赫皇仁廣涵弘宣乾符協祥坤維同躡胡為爾虐神焦鬼爛紅丸煽孽赤籠騰煙鬱焰民軀寒燼村屋婦子何寃商賈奚愆叫號流野星河誰憐簡人大恐聞者眴眴匪曰竒數臣職則奸魂其勿崇歸于太玄我衆罷勞我土嶮難與禍於下寧災於官火神有靈閱斯火安

祭文 哀辭附

告啓期文

嗟嗟我妣嬪我先考淑貞而孝樸慧而窈豐焉匪夸約焉弗慎考曰有猷惟妣為好考曰有為惟妣為道未耀

而捐門祚中稿三十餘祀一心如澡母儀婦範戚里稱  
姣訓我子孫慈渥浩浩憂厥不調撫之若傷念厥不立  
勸之若荒衣維先兒寧已不裳食維先兒寧已不嘗于  
族于隣感焉維揚于僮于婢憚焉靡忘 朝家覃恩

溫綸稍敷止依于膝

時

乞于皇歸養叢懼宿志少償兒

乃罪釁脫不自喪罰及我妣潛寐渺茫八十有一未醫  
凉凉空有子孫我代何能空有爵御我受何榮空有服  
衣我裁何歸空有室堂我入何依空有蘭陔我采何妍

空有萱背我憂何蠲骨與肉分情與事滯恨與天遠淚  
與河逝時維杪冬諏日念四依禮求遷靈辰如駛佛事  
匪作晨夕哭奠遺恩罔極報心未炫維酒維脯仍告啓  
期悠悠我紼神其寧之嗚呼痛哉痛哉

### 告祖文

閔子積辜遭家不造世修匪續祖烈云邈禍及我妣長  
歸奴表觸地呼天空懷兒懊既突以虞附主于祠薦告  
我 祖義起之儀荒迷不典聊將孝思滌牲于鼎崇酒

于卮來燕來宗神其右之

告考妣文

念兒累業延禍終堂日月遄征一瞬一霜悲悰不極成  
制匪長消選來月甲日協祥祗薦禫事柎主摧腸飾饌  
虔告神來皇皇

虞祭文

痛哉我妣慈魂在帛形歸神返歿存一脉靈袍披披靈  
牀奕奕奄及虞禮兒心如磔哀薦禘事神其昭格

小祥祝文

祖謝易邈畧運難繫我妣云遠練期乃及日躔月逡俄  
焉如滄兒禮未洽兒懷空泣白雲悠悠烏鳥翼翼兒感  
兒愴杳焉隔域染醞兒馨殺核兒飭薦兒哀衷愴聞靈  
息

禫祭文

於維 我妣恩暉旭旭既見孤棄日月奔駮溟渤之德  
消塵未告思同天迫制如電促踐霰凝悽涕燧空篤渺

焉玄旻我仰奚屬幽焉黃墟我俯奚矚痛也維心慕也  
 維穀永言肖之矢以不辱祥比如儀薦此齊邀我享我  
 依靈其來肅

祭襄毅王公文

為三法司  
堂翁作

維嘉靖癸丑光祿大夫少保石崗王老先生終於原州  
 公寢越明年甲寅春二月尾旬某官某官某懸牲幣  
 而祭之其辭曰猗嗟耆碩兮鍾阜稟靈奇麗洪鬯兮瓊  
 瑾之瑩研核義輿兮匪究匪經鸞路聯翩兮揚殿修翎

敷膏銅墨兮守宰范型蕩寇華林兮已占將星被徵辟  
 臺兮大夫噐之按節河閩兮鑒裁則持闔豎不騁兮兩  
 省遺思乞疾戀父兮孝聲騰馳便溺必親兮聞者憐悲  
 禮竟而起兮交疏播奇視學畿甸兮士心爾宜特拔廷  
 尉兮丹鉛稱平出撫鄖陽兮流冗載生龍輿南巡兮役  
 有典程祝雨銷旱兮叢驩彫氓簡督漕政兮胜遇不驚  
 運如迅火兮下恬上羸召總臺僚兮樹風兩京遺厥憲  
 度兮而淵而宏晉於樞省兮叅決戎機黠胡不靖兮邊

馭浸微僉以公告兮天子曰微勢如風霰兮三鎮用威  
材官生色兮顏堡其依戒於互市兮狂兇匪遠徒伊屬  
番兮滌內之靡累挾師豹兮甘涼維帟虜不南牧兮六  
載膚功馳祖蔭兒兮帝渥隆崇遲以修勲兮卧鼓橐兮  
旋於廟朝兮景鍾銘忠天胡殲良兮宿肉而終神輪寢  
耀兮英駁迺空於維方育兮泡露靡常矧公禪世兮靈  
蹟焜煌家繁於裔兮邦率其章卹典流芬兮亡而不亡  
夥予法局兮仰爾奧藏合虔肅物兮陳我惋傷遙睇白  
山兮昧莫之鄉澡爵一奠兮來宜來皇

祭呂芝山封君文

為三法司  
堂翁作

嗟彼藐德雕鷹脂牛好媿惡粥維后遺羞有公曠邁生  
也嗜修淪精海祗崛起江洲澹靡循尚渾敦爾遊沐芳  
玄池匿端滄洲學濬魚脅厥貞以幽糟滓玉絡比榮蟬  
蜉紀綱山水則以嘉柔恭直之標塵勞匪由留夷含薰  
瓊瑰維完其羽摩霄籠絜則難文魴生璆德動昊乾衍  
於賢裔逸軌靡殫勤爾義方矍嚴祭端烟其耀迹爾志

迺安榮路振藻萬里如翰持紀播澤越刻衰刊烏署艷  
艷白馬則宜熙朝讓績列紳推奇龍書流輝崇爵爾馳  
卿席饗榮常珍怡怡擐車考家而壽而祺胡乃潛靈冥  
壑其綏人理永訖于天罔恆皤皤者童視公孰禪矧有  
卿嗣通顯維丕其等群群企德希風念爾嗣舊爰憲取  
衷得奔於南我怙則同蒼江夜烏黃腸曙風孝子顛顛  
公何怨恫酌酒載馨飾簋則豐遙聯莽眇神其來崇

祭太保東洲屠老先生文

爲同  
臺作

維歲乙卯春正月八日掌都察院事太保簡肅屠老先  
生終於京邸之正寢浙江等十三道監察御史某某滌  
爵飾簋焚帛而祭之其辭曰彼玄穹之鑒明萃正靈於  
越南稟修束以嶽立抱潛機於層潭性潔淨而不黠履  
沈仰之如耳披宿莽於古道匿真端以淵涵力傾湍而  
振迹流艷譽以飛駭颺弘謨於雄職淹駿骨於外遷被  
御溼而顯拔播鴻勳於吳燕饗徽數以摠僚轄朝章而  
稱妍極臯陶之法與參虞龍以孤騫紛景附於纓綬冠

鷲序以華顛日詳緻於讞禁肅風軌於匪刊斷大疑而  
不動邁帝震以孔安挺宏志於塵氛勤朝昏而忘驩蠲  
私交於門裔欽言笑而莫干饗貴近於家世心忠志而  
常丹奏憲績於九載受知鑒於至尊腰橫玉而協士借  
耆碩於天閭運燮雍以翼化乃神情之所敦胡既悼而  
長逝忽棟幹之沉淪劍掩芒於湛盧華翳晷於昆崙韓  
琦卒而木稼矧特兆於履端天王卹而策誅下渥典於  
祀壇嗟大還以求戢饗榮名而能完愴余衷於群合憶  
鎔式而靡殫望飈輪之一奠期隆格於藝蘭

祭歐南莖先生大宗伯文

為同臺作

嗟偉人之耆碩稟淵宏以粹靈化匡廬於標表沐穎江  
之清冷挺峻志於俗外期神化於丹青貫古今以揚較  
慕賢聖而考訂研遺書以賞理悲華辯之亂經闕濂洛  
之奧藏得陽明之范型抱醇學於曠劫肅鷗鴻而振羽  
騰修名於霄極馳牧績於郡符艷使華而天來召永叔  
於環滁動九禁之眷重紛欽挹於二都欣蓬省之講藝

穆洞案而隆儒承未散之全樸修閔防以淵謨演溫綸  
 於鳳掖効論忠於龍裾司典冊而熙帝和制令以求圖  
 抑宗藩之干紀擯竄奏以止誣省王廩以愍下持國是  
 而匪虛被茂渥之徽數秉風義以答君榮西內以入直  
 應東井而綴文聯相席以論道稱霽簡而宣勤快依乘  
 於聖作參華近以流薰協鼎足而翼戴盪履道之穢氛  
 年未盈於不毀心許國而方殷將大拜以儼直饗鉅平  
 之成勲迺浮齡其如借矜廷晷而易蘭傷理學之不兢  
 俾皇心而浩歎木亭亭以落幹鸞飛飛而輟翰究人理  
 之不忤於羈魂而孔安剡卹典之焜耀越芳裔之叢攢  
 覲靈蹟之靡滅潤太史於不刊顧尾僚之群群濫匡益  
 於講壇愴丕訓之綿眇撫淑景而傷殘招英精而俎豆  
 驟隆假而匪殫遲顛靈以自佑齊璿祚於瑤磐

祭晁封君南莊先生文

編修春陵之翁庶吉士仲石之祖也為同臺作

於維鉅人為世龜鏡兮系繇周漢熙朝望姓兮稟厥靈  
 明爰有抗行兮孝友自天惟官之兢兮峭直而溫羸儉

以敬兮玩編賞理動與合弁兮披情海壖取逸巖椒兮  
奮義輸公孽雄喧囂兮感而峻事風烈宣昭兮推爾飛  
粟閔厥索彫兮崇派於塚宗望嶠嶠兮聚書延師訓子  
於髻兮誦聲篝影夜半猶視兮樹之象典課以義類兮  
天與人諧遂耀爾嗣兮比於聞孫連瑜交珥兮金閨玉  
署藻思相賁兮朱華翠毛御溼彌熾兮文元文莊異代  
同隆兮邁於錢梁賢彼蘇洪兮門緒繩繩翁心則融兮  
貴而彌下罔移於豐兮飄然鷗鯁冥矣鷗鴻兮鳳書兮  
燿榮不可窮兮迺及告存忽忽紫遊兮若華翳暑飛巖  
頽流兮只尺不見叫號憂恻兮兩地一情縛於國猷兮  
卹典則揚挽言如哀兮秋風夜烏朝野悠悠兮嗟茲浮  
齡紛其夢幻兮維耄者昏朽草而返兮一命之難誰其  
能爛兮公也不死騰芬史苑兮槐鼎追秩播於無算兮  
其輩傷之希靈如眇兮

祭胡毋封太孺人文

猗嗟淑靈婦也懿規粹溫其性婉婉於姿珥焉傳璣佩

乃留夷紫珍煌煌赤莖凝凝嬪則渾淪女史網維亮彼  
邑博式是壺彞未畢而終霜烈冰熙愍此冢嗣令名令  
儀綸闈沅芬臬署揚禧晉陵爾戴朝家則知越於叔子  
鵠立匪遲森森聞孫鳳鎗而馳濟德引耀彌遠彌奇饗  
茲義榮修齡維祺胡為長歸遊子懸思西風凄寒東奔  
憐悲載瞻黃腸空號玄祗賴我帝渥芝泥是貶微聲不  
滅靖寐則綏時也戚屬晚借靈庇服役而還虛用齋咨  
飾盥澡爵聊用陳辭聵其闕魂若或聽之

祭畫崗母舅文

嗟我舅氏秘影弦崗紹祖邑博其德珍黃精獵藝苑局  
視虞庠芻芥纓綵康糝金琅稟其曠邁遊於蕩茫寓心  
上頓醉侯爾方匿光靈株壺公維藏百畝澹如五男則  
昌塵勞不嬰日遊羲皇饗于貳膳不疾而亡甥也孤蒙  
維舅之匡歸自巴蜀懼不可長暴然訣別妣黨則涼霜  
林夜烏蕙帷筠房凄其不見屑涕摧腸列牲崇酒巔靈  
洋洋

弟朱守菴親家辭

嗟英彥兮碩茂稟靈朴兮孤貞蚤隻立兮沈抑窮濡忍  
兮匪營履岨岵兮自若蒙多難兮孝誠脫崖檢兮鄙朴  
厚宗戚兮和平業藝苑兮賞理登鳳掖兮騰聲馳芳蹟  
兮粉署贊程品兮冬卿啣綸命兮燕越慕操勗兮淑清  
被陰簡兮熊軾煦創殘兮齊氓剗苞拚兮疾惡被不亮  
兮毀名欽鉅人兮細恙在公議兮獨明胡浮齡兮如電  
而受數兮不盈矜靖寐兮于官傷登民兮涕橫方驥塗  
兮中輟迺虎阜兮暴傾沉瓊瑾兮碎玉凋梗楠兮折英  
遺慈景兮誰託啼弱妻兮乳乳兼冢嗣兮並殞愴仲穉  
兮苦情室蕭蕭兮寒素衷廉善兮奚鳴悲秋風兮落木  
號夜烏兮連城望韃韃兮屑涕念附葭兮思縈走一帛  
兮千里陳哀緒兮如生

哀喻敏齋主政年兄文

嗟彼同胞嬉嬉撫塵率以典言邁者幾人邈焉予美逸  
軌絕倫置我膺肺罔弗兢仁醜彼猜朋而重而珍念厥

發蹟應於昌辰外若通脫裏則坯渾慕義維駛崇孝維  
風琦行嶽嶽瑰能麟麟如鳥之鸞如馬之駟叔也振藻  
伯也薦珉一清與華一良與循遲以通顯期願爾均天  
胡不吊爾獨斯頽讀禮顛顛倏其爾窀嗟彼哲匠不竟  
其韞叶鬱焉夢果徒勞以因芝草不根蘭英匪莖室則  
冤號里乃蹙輦友僚灑泣君子奚信叶鶴怨猿悲水浸  
山氛造化異心莽渺迤真星乎石耶罔測其玄叶我役  
爾問我還爾泯素車白馬墓草新新淮流失色蒿峙慘

顏陳辭寫臆有假則神

弔豐翁夫人辭

嘉靖丁未忠節豐翁許公配楊夫人以厥家嗣金吾君  
迎養勤勅因過都輦母子合并洽如也乃樂事匪常昊  
天不吊忽秋杪病革不起越明年戊申歸櫬寢丘寔焉  
守制御史眷晚生時適以母艱瘡距未能引緇告忱于  
沐椽肆茹感走帛肅事陳辭而吊之其辭曰嗟夫人之  
龐鴻兮稟柔祗之元醇敷女範而銜翔兮閨士行于孺

玫暢怡儼之宏度兮含慄慄之嚴訓  
選鷓鷯而自化兮覲迤嶸之必嗔  
賤脂腴以天然兮視華錯而不珍  
紉皜眊以為佩兮雜神藟之芳芬  
帶瓊瑋而晶滌兮服栢木而溫仁  
崇耳朧以匪懈兮尊璋悅其賢也  
執壺政而不移兮侮獲之所虔也  
相所天以陰教兮登鸞掖之軒軒  
擣赤忠以報國兮擒梟鷲于魯藩  
憤豫章之雄孽

兮蹈斧鑕而匪輦  
組絕紀以萬禩兮舉修綱于一身  
隆追秩以揚烈兮炫惇史于不泯  
經內物以翊贊兮寔天人之寡倫  
遺瑤英而行采兮紛蘭葩之流芬  
維冢嗣之恢矣兮峙熊虎于天門  
維次息之卓躒兮抱環琦而出塵  
維季也之嗜修兮負偉望以嶙峋  
維孫也之叢秀兮列森柱而駢駢  
廼夫人之見背兮淒燕邸之秋風  
雖潛寐之在旅兮邈馳芳而如生  
愧通家之共戚兮望鷺輅而中捐  
肩涕華於壤屢兮遲昭假而來宗

哭漆泉七友文

有美嗜修疇與俗伍  
瑩彼理牖希茲義圃  
冥探其微浸

尚於古抗行嶽立迥志霄舉傲骨不下雄恣俱俱邁貨  
而嚇如鼠之腐貧則罔書車時逸矩明經晦跡唉其漆  
泉維苦爾懷二親早殞河浦河水淫淫日噬塚土昏旦  
索遷訖無寧所兼之幼孩妻寒而僂思顯思融中路斷  
羽妻將何依子將何撫宿抱未終遺恨莫抒天乎人也  
唉其漆泉維苦憶子羈非結爾膺腑通家無嫌莫逆有  
取異姓兄弟半生笑語予也維謬爾繩匪沮爾也維動  
予抑匪怒姪託爾訓風義是與子役蜀江爾歸神宇昔  
也相送今也莫覩墓草青青屑涕如雨遺孤引慟伊何  
爾處花啼鳥號唉其漆泉維苦

行狀

考贈浙江道監察御史古泉喻公妣封太孺人夏氏行狀

男時違我考纔十一歲也至今茹此嚮之感既獲及母而奉將謂天之補我考者可綿矣迺叢禍延母忽復違今日為摧心裂肝欲代未能觸地叫天灑泣空切尚忍持管臨紙而狀以行也邪韓子書事思表父遺蘇孤奉狀願揚母德蓋有不容已之託焉狀曰考諱某字某別

號古泉上世豫章豐人也譜從唐都統元帥公以下代有顯者至太初公必勝生豐原公友人豐原公生乾里公克恭乾里公生午臺公孟烈咸隱於豐迺午臺公十四歲有江漫之志始渡江泛河如光州謂為醇士家焉娶李生我考古泉考修軀清髯寡艾言衣履常無纖垢性潔朗端勤樸厚孝友與人信以直凜如也僉呼古君子云以父宅讓兄洪兄琳甘澹泊銖髮不苟納讀書無間暑寒深以理學為宗膠序生業其門下者六十餘人風訓莊嚴人比之郡博也領正德丁卯貢赴國子祭酒王公于六館首為顧許還居州之漢王城或謁以公事考拒曰受金囑官如擠人於井使屈者抗顏直者縮氣寧吾窘竭不為也郡大夫因加以殊禮新城李侯創城拉諸士夫董役諸士夫從焉考堅不往曰哲士不涉嫌懼迷行也節士不近利懼賈禍也况一有辭於里落幾不失侯意哉偶被盜侯怒遍索考寬焉侯以撫巡法督隣十家償之考曰吾遭禍一家貧隣被償十家貧吾何

忍焉絕不受隣德之侯彌重之戚人有病熱慕水為術  
禁已革考秘飲之遂爽然蘇遇凍士倒臥雪途幾死考  
舁歸救療得無害有某贈偽金若干資乏也考投之寺  
泉不以謾人夕過潢橋檢以金鳳恐貽人婦禍也立待  
主人還之竟不納謝固陵張君祥愛士饋物中誤以金  
五兩考見而反焉張嗟服每辨草穀必可豫家之一二  
歲曰若荒饑何凡隣舍有為咸曰勿令喻公聞不善也  
嘗教兄學人家丈夫子勤身厲德隆賢篤親不可習溫  
飽氣生傲慢以損福復諭家人榮通醜窮聖賢所羞高  
饑卑祿隱顯攸懸如趨塵鞅以規貨走泥塗以營家爾  
曹等訖勿吾類也既逾選期遂一病不起東附趙侯雅  
知考每三月餽米一石迨變捐俸購木吊哭彌日命諸  
吏屬曰喻高人也儉于數可挽可風爾輩宜會祭之諸  
吏屬服焉垂二十有九祀始以男時官贈為浙江道監  
察御史云妣夏處士瓔之女教諭護之孫女也先是考  
娶李未三月卒教諭公擇壻得考配焉妣歸孝敬慈婉

維肅維貞鮮粧淨衣幼者不聞急步碎言日以女紅佐  
書几雖涼薄無少鞅鞅譏訶九羨酒巾擲衣履類非其  
手不以考御得甘毳必供先大父大母先大父人母喜  
焉既疾晝夜侍湯藥終而漿不及口席不沾體者半月  
歲大疫諸伯姆逝死與考商之遂解珥簪服玩周旋殯  
歛撫仲子若子值克獷肆無狀於考或聞之郡侯將治  
焉妣曰伊無天地日月之流寧使我容伊不敗無寧使  
伊敗為我也尋克獷以他犯果敗人謂夏氏女慧賢云

逮考亡孀居斬斬冰霜在室每夜戶必扃謹家節也見  
兄緝學多病呼曰爾無苦名疲形苟白屋孝義成爾一  
第一子雖不爾官不害為爾賢此爾考之暝也課男時  
連值歲大侵曰爾寒細非書矣為爾讀毋伴爾有望毋  
有望男初室郝氏妣訓誨必厲或請焉曰婦卿門之裔  
非姑若汝寔謂防驕非姑課汝切以導賢婦果成徽德  
而歿妣思之淚淫淫下若為繼者感焉男幸而進士授  
吳江令妣但視有南物輒嚇曰此將何用聞某僚以毛

竹筥人謂毛竹也人何辜皮肉何苦因教以爾寧庶無  
以厭貧寧寬無以來怨我母子光焉於吳何憂男奉之  
惟謹轉今官也迎養京邸見男有小疏呼吸入危慰曰  
帝心最神人心最公兒苟非欺冥數難枉矧歸我母子  
家林可也爾惟有主哉及勅視河東妣但叮嚀一慎字  
仍囑早回若或先知然乙巳以恩封太孺人男事竣  
乞病還妣心懽劇允聞吳人晉人寄碑頌者曰爾宜敦  
勉是也每過孫三禮書舍曰功名在執勤孫視汝叔父  
慎勿虛此靜所爾廼戊申夏患脚面腫無他疾漸卧不  
食兄若姪廣迎醫卜男時告天願割已壽以益各無驗  
諸戚友約為廟禱者數百人妣曰奈何累諸家也復慮  
男不能振迹也累扶病祝夢謂日夜得爾夢佳甚爾自  
力如是祝者再男泣妣止焉一日呼諸婦為澡既潔廼  
語可去可去遂絕光之四方人識與不識偕吊兄若男  
若孫若婦環哭不能自死戚也嗟嗟痛哉痛哉考作于  
正德戊寅三月一日距生成化乙酉五月六日享年五

十有九妣作于嘉靖戊申六月三十日距生成化戊子  
二月二十七日享年八十有一生子二曰止王府引禮  
娶生員崔汝賢女曰時男也御史初娶序班郝杲女贈  
孺人繼娶處士趙恕女封孺人孫男四曰三禮州學生  
娶義官張均美女曰三玄聘給事胡賓女曰三素聘錦  
衣指揮許瑒女曰三象聘主事朱惟一女尚幼孫女一  
尚幼曾孫男二曰芳謨曰芳猷尚幼曾孫女一尚幼卜  
以是年十二月某日將塋妣于城東北五龍臺之陽與  
考同壟異壙男等寒門薄祐積罪違親由興嘆于千  
鍾臨玄風而哽塞虞丘抱恨於三矢撫黃腸而惋傷記  
事不倫用備綜承太史垂銘引耀存歿不肖男時謹狀

吳臯先生文集後序

安峰王公以臺使按瀛出其師吳臯

喻公詩文若干篇自序諸首命梓以

傳且曰工竣其後序哉予敬讀之見

其辭宏而理奧氣豪而格古蓋集

諸名宗以成一家泐泐乎鳴盛之音

曹如安峰公所稱者夫公周官轍歷  
要塗出釐庶績入贊訐謨時敷為  
文使拘拘然亦勞矣今觀隨物付形  
不煩雕琢若神龍盪風雲薄霆電  
陟降潛見杳冥莫象豈尋常可  
企哉是必樞運較融神化之糟粕  
矣夫費隱者道也靈瑩者心也發微  
明志者言也炳英揚粹者文也宏敷  
遐馭成能亶亶者行也行以孚文文  
以足言言以徵心心以純道則文行一貫  
無窮通無動靜無夷險宗卑左右  
逢原至文攸宣極觀乃備孝篤友宜

斯文形于家養遂倫敦斯文著于國  
中和旁遠上經下緯斯文昭乎天地  
傳曰言之無文行之不遠君子合一之  
道也盍觀之數呈易畫政運書傳  
性情動于美刺而詩彰衮鉞中平端  
和而春秋明物紀統于和序而禮樂大  
賁其究一也然則出師一表言軍旅  
也達者與之原道自名遺論顧不  
免焉辭云乎哉讀是集者其求作  
者之心乎其亦繹傳者之心乎詩曰  
有斐君子如金如錫如圭如璧吳臯  
公有焉既見君子錫我百朋安峰公

有烏高山仰止景行行止予又何護焉  
因附末簡以告同志

賜進士第直隸河間府知府前南  
京江西道監察御史南郡見吾

陳大賓書

吳臯先生文集 終



